




1627/17.

Transkription TA 9

- 1) Zuo wüssen unnd khonndt¹ syge allermenigcklichem offenbar mit dißem brieffe, als dann ein eersamme gmeind, die puren, tagnöüw-
- 2) er² unnd anndere burger zuo Rüeggis Altorff, inn der grafschafft Kyburg gesesßen, iren weidgängen unnd sonnst etlichem sachen halben diß jars umb etwas spennig³ unnd mißverstenddis werden, das
- 3) daruff an hütt dato zuo verhütung deß rechtens unnd ersparung großen costens fürnemlich aber umb mehrer pflanzung guoter fründtschafft unnd einigkeit willen, sy sich hernach folgenden gütlichen immer- und
- 4) eewigwährenden vertrags, inn betrachtung aller sachen *gstatsammi*, mit einannderen zumm theil einhellig unnderredt, erkhenndt unnd entschlossen; Eerstlich, es syge einer ein pur, tagnöüwer, ald⁴ ein annderer
- 5) yngesesßner burger, so ein weid hat, die vom einthußent sechs hundert unnd driten jar nacher, als man mit einer eersammen gmeind Pfeffickhen deß weidgannges wegen rechtlichen span gehept, biß uff dato diß brieffs
- 6) yngeschlagen⁵ worden, der- oder dieselbigen söllend derglychen yngeschlagene weiden angentz⁶ unnd ohnverzogenlich widerumb ußzelegen⁷ schuldig syn, unnd dieselben wie von alter har zuo den frygen offnen vëlderen
- 7) oder zelgen dienen und gehören laßen; Zumm annderen solle der purßman⁸, glych wie der tagnöüwer oder sonnst ein burger (wer die jederzyt sinnd unnd syn unnd syn werdent) mit allem vech, rosßen, rinderen, st_(?)
- 8) küyen, kelberen unnd was demglychen inn das *brannd_ wie ouch wald-, specks-* unnd Dietenaltenholz, fürbaß zweid zefahren unnd ouch zehüeten gwallt haben, jedoch deß nachbaren fruchten ohne schaden; Zumm
- 9) dritten, was die annderen übrigen esßen⁹ belangt unnd antrifft, da sollend die khün allwëgen imm meyen¹⁰ uff- oder inn dieselbigen dheins¹¹ *wëgs* getriben, sonnders dieselben allein mit dem züchvech¹² *gnutzt* unnd *geweid-*
- 10) et werden; zum vierten unnd letsten, wo einer were, so wol der pur als tagnöüwer, der synen acher zuo dem *haften* oder angesäyten zelg nit zebuwen begeren, ald sonsten nit zebuwen khommen möchte, als
- 11) dann denselbig synen acher mit synem vech selbst en ußzeweiden befüegt syn, so lanng, biß die ernnd verhanden, unnd ein zennden garben ufgestellt *wigt*, dennhin er für sich selbs nit mehr weiden, sonnders solliche

¹ Es sei kund = Es soll verkündet werden

² Tagmer, Tau(w)ner, Tagnäuer, Täuer = wer im Taglohn arbeitet, Tagelöhner, auch Hilfsarbeiter

³ = Spänn, Streit, Zwist

⁴ ald = oder

⁵ Eingeschlagen = umzäunt, mit Hecke eingehagt

⁶ Als Ganzes?

⁷ Uslegen = durch Entfernung der Zäune öffnen

⁸ = Bauersmann, Bauer

⁹ = ässen = Pascere, weiden?

¹⁰ meyen = Monat Mai

¹¹ = kein

¹² = Zugvieh

- 12) acher zumm gmeinen weidgann, wenn die zelgen der garben halb ledig¹³, genutzt, unnd sonnst imm übrigen den gmeine weidgann fürbaß¹⁴ wie von alterhar gebrucht werden; Welicher aber hier wider-
- 13) hanndlen wurde, derselbig jederzyt an gebürennden orten unnd ennden ein verdiente buosß unnd straff zuoerwarten haben sölle; *Unnd* wann nun sy, die puren, tagnöüwer unnd anndere burger vor-
- 14) *stender* gmeind Altorff sollichen vertrag mit einanderen wolbedachtlich uf- unnd angenommen, ouch darby zuogesagt unnd versprochen, *dennen* für sich, all ire erben unnd nachkhommenden *unwiderzünfftlich* zuo-
- 15) *geleben/gelaben*¹⁵, statt unnd gnug zethuon, unnd harwider¹⁶ inn dhein wyß nach weg¹⁷ nützit¹⁸ fürzenemmen¹⁹, zereden, hanndlen ald verschaffung gethan werden; So habend sy deßen alles zuo wahrem, vesten
- 16) urkhundt durch die eerbaren unnd bescheidnen Jacob Dietrich, Clein-Jacob Bachoffner unnd Conradt Walter, all drey geordnete dorfmeier, underthenigs flyßes erbetten den frommen, vesten,
- 17) fürsichtigen, wollwyßen herren Hannß Heinrich Müllern, burgern Zürich unnd dißerzyten²⁰ landtvogt der grafschafft Kyburg, iren besonders günstigen, hochehrenden, lieben herrn, daß er syn eigen ynsigel
- 18) für sy, all ire erben unnd nachkhommen (doch unnßern gnedigen herrn unnd obern, der statt Zürich, an allen frygheiten unnd gerechtigkeiten unveregriffen, deßglychen ouch herrn landtvogt
- 19) unnd synen erben ohne schaden) offentlich an dißern brieff henckhen unnd denselben einen ganntzen eersammen gmeind gethanem begeren nach geben und zuostellen laßen, uff den siben zechenden tag winter-
- 20) monat²¹, alls man von der geburth christi, unnßeres lieben herrn gezellt, sechszechenhundert zwänzig unnd siben jahre.

¹³ = halb frei von Garben

¹⁴ = weiterhin, ausserdem

¹⁵ = geloben?

¹⁶ = dagegen

¹⁷ In keiner Weise noch Weg = in keinster Weise, auf keine Art

¹⁸ = nichts

¹⁹ = zu unternehmen, zu machen

²⁰ = aktuell

²¹ Wintermonat = verm. November, könnte aber auch Januar sein.